

稼

軒

長

短

句

稼軒長短句卷之三

水調歌頭

舟次揚州和楊濟翁周顯先韻
落日塞塵起，胡騎獵清秋。漢家組練十萬，
列艦聳層樓。誰道投鞭飛渡，憶昔鳴騶血，
污風雨。佛狸愁。季子正年，少匹馬黑貂裘。
今老矣，搔白首，過揚州。倦游欲去江上，
手種橘千頭。二客東南名勝，萬卷詩書事，
業嘗試與君謀。莫射南山虎，直覓富民侯。

又

落日古城角把酒勸君留
長安路遠何事
風雪弊貂裘
散盡黃金身世不
管秦樓人
怨歸計狎沙鷗
明夜扁舟去
和月載離愁
功名事身未老
幾時休
詩書萬卷致身
須到古伊周
莫學班超投筆
縱得封侯萬
里焦悴老邊州
何處依劉客
寂寞莫賦登樓
淳熙丁酉自江陵移帥隆興到
官之三月被召司馬監趙卿王

漕餞別司馬賊水調歌頭席間
次韻時王公明樞密薨坐客終
夕為興門戶之歎故前章及之
我飲不須勸正怕酒尊空別離
亦復何恨此別恨匆匆頭上
韶蟬貴客苑外麒麟高
塚人世竟誰雄一笑出門去
千里落花風
孫劉輩能使我
不為公余髮種種如是
此事付渠儂但覺平生湖海
除了醉吟風
月此外百無功
毫髮皆帝力更乞鑑湖東

淳熙己亥自湖北漕移湖南周
總領王漕趙守置酒南樓席上

留別

折盡武昌柳掛席上蕩湘二年魚鳥江上
笑我往來忙富貴何時休問離別中年堪
恨憔悴鬢成霜絲竹陶寫耳急羽且飛觴
序蘭亭歌赤壁緒衣香使君千騎鼓吹
風采漢族王莫把離歌頻唱可惜南樓佳
處風月已淒涼在家貧亦好此語試平章

盟鷗

帶湖吾甚愛千丈翠匳開先生杖屨無事
一日走千回凡我同盟鷗鷺今日旣盟之
後未往莫相猜白鶴在何處常試與偕來
破青萍排翠藻立蒼苔窺魚笱汝癡計
不解舉吾杯廢沼荒丘疇昔明月清風此
夜人世幾懽哀東岸綠陰少楊柳更須栽
湯朝美司諫見和用韻為謝
白日射金闕虎豹九關開見君諫疏頻上

談笑挽天回千古忠肝義膽萬里蠻煙瘴
雨往事莫驚猜政恐不免耳消息日邊來
笑吾廬門掩草徑封苔未應兩手無用
要把蟹螯杯說劍論詩餘事醉舞狂歌欲
倒走子頗堪哀白髮寧有種一一醒時裁

巖子文同傳安道和前韻因再
和謝之

寄我五雲字恰向酒邊開東風過盡歸鴈
不見客星回均道頌窗風月更著詩翁杖

獲合作雪堂猜

子文作雪齋寄書云近以旱無以延客

歲旱

莫留客霖雨要渠來

短燈檠長劒缺欲

生苔雕弓掛壁無用照影落清杯多病關
心藥裹小摘親鉏菜甲老子政頭衰夜雨
北窗竹更倩野人栽

和趙景明知縣韻

官事未易了且向酒邊來君如無我問君
懷抱向誰開但放平生立聲莫管傍人嘲
罵深慙要驚雷白髮還自笑何地置衰頽

五車書千石飲百篇才新詞未到瓊瑰
先夢滿吾懷已過西風重九且要黃花入
手詩興未闕梅君要花滿縣桃李趁時栽
壽趙漕介庵

千里渥洼種名動帝王家金鑾當日奏草
落筆萬龍蛇帶得無邊春下等待江山都
老教看鬢方鴉莫管錢流地且擬醉黃花
喚雙成歌弄玉舞綠華一觴為飲千歲
江海吸流霞聞道清都帝所要挽銀河僊

浪西北洗胡沙回首日邊去雲裏認飛車

和王正之右司吳江觀雪見寄

造物故豪縱千里玉鸞飛等閑更把萬斛
瓊粉蓋玻黎好卷垂虹千丈只放冰壺一
色雲海路應迷老子舊游處回首夢耶非
謫僊人鷗鳥伴兩忘機掀髯把酒一笑
詩在片帆西寄語煙波舊侶聞道蓴鱸正
美休裂芰荷衣上界足官府汗漫與君期

九日遊雲洞和韓南澗尚書韻

今日復何日黃菊爲誰開
淵明謾愛重九
曾次正崔嵬酒亦闌人何事
政自不能不
爾誰遣白衣來醉把西風扇
隨處障塵埃
爲公飲須一日三百杯
此山高處東望
雲氣見蓬萊翳鳳麟鸞公去
落佩倒冠吾
事抱病且登臺歸路踏明月
人歎共徘徊
再用韻呈南澗

千古老蟾口雲洞挿天開
漲痕當日何事
洶湧到崔嵬攫土搏沙兒
戲翠谷蒼崖幾

變風雨化人來萬里須臾耳野馬驟空埃
笈年來蕉鹿夢盡蛇杯黃花憔悴風露
野碧漲荒萊此會明年誰健後日猶今視
昔歌舞只空臺愛酒陶元亮無酒正徘徊

再用韻李子永提幹

君莫賦幽憤一語試相開長安車馬道上
平地起崔嵬我愧淵明久矣猶借此翁漚
洗素壁寫歸來斜日透虛隙一線萬飛埃
斲吾生左持蟹右持杯買山自種雲樹

山下斲煙萊百鍊都成繞指萬事直須稱
好人世幾興臺劉郎更堪笑剛賤看花回
慶韓南澗尚書七十

上古八千歲總是一春秋不應此日剛把
七十壽君侯看取垂天雲翼九萬里風在
下與造物同游君欲計歲月嘗試問莊周
醉淋浪歌窈窕舞溫柔從今杖屨南澗
白日為君留聞道鈞天帝所頻上玉卮春
酒冠蓋擁龍樓快上星辰去名姓動金甌

席上用黃德和推官韻壽南澗

上界是官府公是地行僊青龜劍履舊物
玉立近天顏莫怪新來白髮恐是當年柱
下道德五千言南澗舊活計猿鶴且相安
歌奏在寶康瓠世皆然不知清厲鍾磬
零落有誰編莫問行藏用舍畢竟山林鍾
鼎底事有虧全再拜荷公賜雙鶴一千年

公以雙
鶴見壽

和信守鄭彛舉蔗庵韻

萬事到白髮日月幾西東
羊腸九折岐路老我慣經從
竹樹前溪風月難酒東家父
老一笑偶相逢此樂竟誰覺
天外有冥鴻味平生公與我
定無同玉堂金馬自有佳處
着詩翁好鎖雲煙窗戶怕入
丹青圖畫飛去了無蹤此語
更癡絕真有虎頭風

送信守王桂發

酒罷且勿起重挽使君鬚
一身都是和氣別去意何如
我輩情鍾休問天老田頭說

尹淚落獨憐渠秋水見毛髮千尺定無魚
望清闕左黃閭右紫樞東風桃李陌上
下馬拜除書屈指吾生餘幾多病妨人痛
飲此事正愁予江湖有歸鴈能寄草堂無
送鄭厚卿赴衡州

寒食不小住千騎擁春袂衡陽石鼓城下
記我舊停驂襟以蕭湘桂嶺帶以洞庭青
草紫蓋屹西南文字起騷雅刀劒化耕蚕
看使君於此事定不凡奮髯抵几堂上尊

俎自高譚莫信君門萬里但使民歌五袴
歸詔鳳皇銜君去我誰飲明月影成三

提幹李君索余賦秀野綠遶二詩
余詩尋醫久矣姑合二榜之意賦
水調歌頭以遺之然君才氣不減
流輩豈求田問舍而獨樂其身耶
文字觀天巧亭榭定風流平生丘壑歲晚
也作稻梁謀五畝園中秀野一水田將綠
遶攬程不勝秋飯飽對花竹可是便忘憂

吾老矣探禹穴欠東遊君家風月幾許
白鳥去悠悠挿架牙籤萬軸射虎南山一
騎客我攬鬚不更欲勸君酒百尺臥高樓

元日投宿博山寺見者驚歎其老
頭白齒牙缺君勿笑衰翁無窮天地今古
人在四之中臭腐神奇俱盡貴賤賢愚等
耳造物也兒童老佛更堪笑談妙說虛空
坐堆氍行答颯立龍鍾有時三盞兩盞
淡酒醉蒙鴻四十九年前事一百八盤狹

路拄杖倚牆東老境竟何似只與少年同

送楊民瞻

日月如磨蟻萬事且浮休君看簷外江水
衮衮自東流風雨瓢泉夜半花草雪樓春
到老子已菟裘歲晚問無恙歸計橘千頭
夢連環歌彈缺賦登樓黃雞白酒君去
村社一番秋長劒倚天誰問夷甫諸人堪
笑西北有神州此事君自了千古一扁舟
送施樞密與帥江西信之識云

水打烏龜石方人也大奇實施字
相公倦台鼎要伴赤松游高牙千里東下
鼙鼓萬緄緇試問東山風月更看中年綠
竹留得謝公不孺子宅邊水雲影自悠悠
占古語方人也正黑頭穹龜突兀千丈
石打玉溪流金印沙堤時節盡棟珠簾雲
雨一醉早歸休賤子祝再拜西北有神州
壬子三山被召陳端仁給事飲餞

席上作

長恨復長恨，裁作短歌行。何人爲我楚舞，
聽我楚狂聲。余既滋蘭九畹，又樹蕙之百
畝。秋菊更餐英，門外滄浪水。可以濯吾纓。
一杯酒問何似，身後名。人間萬事毫髮
常重，泰山輕。悲莫悲生離，別樂莫樂新相
識。兒女古今情，富貴非吾事。歸與白鷗盟。

題張晉英提舉玉峰樓

木末翠樓出，詩眼巧安排。天公一夜削出
四面玉崔嵬。疇昔此山安在，應爲先生見

晚萬馬一時來白鳥飛不盡却帶夕陽回
勸公飲左手蟹右手杯人間萬事變滅
今古幾池臺君看莊生達者猶對山林臯
壤哀樂未忘懷我老尚能賦風月試追陪
三山用趙丞相韻答帥幙王君且
有感於中秋近事併見之末章

說與西湖客觀水更觀山溪粧濃抹西子
喚起一時觀種柳人今天上對酒歌翻水
調醉墨捲秋瀾老子興不淺歌舞莫教閑

看樽前輕聚散少悲歡城頭無限今古落
日曉霜寒誰唱黃雞白酒猶記紅旗清夜
千騎月臨關莫說西州路且盡一杯看

卽席和金華杜仲高韻併壽諸友
惟醕乃佳耳

萬事一杯酒長嘆復長歌杜陵有客剛賦
雲外築婆婆須信功名兒輩誰識年來心
事古井不生波種種看余髮積雪就中多
二三子問丹桂倩素娥平生螢雪男兒

無奈五車何看取長安得意莫恨春風看
盡花柳自蹉跎今夕且懽笑明月鏡新磨

醉吟

四座且勿語聽我醉中吟池塘春草未歇
高樹交鶯禽鴻鴈初飛江上蟋蟀還來床
下時序百年心誰要鄉料理山水有清音
懽多少歌長短酒淺深而今已不如昔
後定不如今閑處直須行樂良夜更教秉
燭高會惜分陰白髮短如許黃菊倩誰簪

題趙晉臣敷文真得歸方是閑

堂二

十里深窈窕萬瓦碧參差青山屋上流水
屋下綠橫溪真得歸來笑語方是閑中風
月剩費酒邊詩點檢笙歌了琴罷更圍棋
王家竹陶家柳謝家池知君勲業未了
不是枕流時莫向癡兒說夢且作山人索
價頗恠鶴書遲一事定嗔我已辦北山移

賦傳巖叟悠然閣

歲歲有黃菊千載一東籬悠然破頰兩字

長安退之詩自古此山元有何事當時纔
見此意有誰知君起更斟酒我醉不須辭

回首處雲出鳥倦飛重來樓上一句
端的與君期都把軒窗寫遍更使兒童誦
得歸去來兮辭萬卷有時用植杖且耘耔
題吳子似縣尉瑱山經德堂堂陸
象山取名也

喚起子陸子經德問何如萬鍾於我何有
不負古人書聞道千章松桂剩有四時柯

葉霜雪歲寒餘此是瑱山境還似象山無
耕也餒學也祿孔之徒青衫畢竟升斗
此意政關渠天地清寧高下日月東西寒
暑何用看工夫兩字君勿惜借我榜吾廬
賦松菊堂

淵明最愛菊三徑也栽松何人收拾千載
風味此山中手把離騷讀遍自掃落英餐
罷杖屨曉霜濃皎皎太獨立更挿萬芙蓉
水潺湲雲頽洞石龍從素琴濁酒喚客

端有古人風却怪青山能巧破爾橫看成
嶺轉面已成峰詩句得活法日月有新功
將迁新居不成戲作時以病止酒
且遣去歌者末章及之

我亦卜居者歲晚望三閭昂昂千里泛泛
不作水中鳧好在書携一束莫問家徒四
壁往日置錐無借車載家具家具少於車
舞鳥有歌亡是飲子虛二三子者愛我
此外故人陳幽事欲論誰共白鶴飛來似

可忽去復何如衆鳥欣有托吾亦愛吾廬
趙昌父七月望日用東坡韻叙太
白東坡事見寄迺相展借且有秋
水之約八月十四日卧病博山寺
中因用韻為謝兼寄吳子似

我志在寥闊疇昔夢登天摩娑素月人世
俛仰已千年有客騷鸞並鳳云遇青山赤
壁相約上高寒酌酒援北斗我亦在其間
少歌曰神甚放形則眠鴻鵠一再高舉

天地暗方圓欲重歌兮夢覺推枕惘然獨
念人事底虧全有美人可語秋水隔嬋娟

題永豐楊少游提點一枝堂

萬事幾時足日月自西東無窮宇宙人是
一粟太倉中一葛一裘經歲一鉢一瓶終
日老子舊家風更著一杯酒夢覺大槐宮
記當年嚇腐鼠嘆冥鴻衣冠神武門外
驚倒幾兒童休說須彌芥子看取鯢鵬斥
鷃小大若為同君欲論齊物須訪一枝翁

席上為葉仲洽賦

高馬勿捶面千里事難量長魚變化雲雨
無使寸鱗傷一壑一丘吾事一斗一石皆
醉風月幾千場鬚作媚毛磔筆作劍鋒長
我憐君癡絕似顧長康綸中羽翮顛倒
又似竹林狂解道長江如練淮備傳雲堂
上千首買秋光怨調為誰賦一斛貯橫柳

玉蝴蝶

追別杜仲高

古道行人來去香紅滿樹風雨殘花望斷
青山高處都被雲遮客重來風流觴詠春
已去光景桑麻苦無多一條垂柳兩箇啼
鴉 人家疎疎翠竹陰陰綠樹淺淺寒沙
醉兀籃輿夜來豪飲太狂些到如今都
醒却只依舊無奈愁何試聽呵寒食近也
且住為佳

杜仲高書來戒酒用韻

貴賤偶然渾似隨風簾幙籬落飛花空使

况曾馬上看面頻遮向空江誰捐玉珮寄
離恨應折疏麻暮雲多佳人何處西盡歸
鴉 儂家生涯蠟後功名破甌交友搏沙
往日曾論淵明似勝卧龍些算沒來人生
行樂休更說日飲亡何快斟呵裁詩未穩
得酒良佳

稼軒長短句卷之三

稼軒長短句卷之四

滿江紅

建康史帥致道席上賦

鵬翼垂空。笑人世、蒼然無物。又還向、九重
深處。玉階山立。袖裏珍奇光五色。他年要
補天西北。且歸來、談笑護長江。波澄碧。
佳麗地。文章伯。金縷唱。紅牙拍。看檣前飛
下。日邊消息。料想寶香黃閣夢。依然盡舫
清溪。留待如今端的。約鍾山長相識。

中秋寄遠

快上西樓怕天放浮雲遮月但喚取玉纖
橫管一聲吹裂誰做冰壺涼世界最憐玉
斧修時節問嫦娥如今有愁無應華髮
雲液滿瓊杯滑長袖舞清歌咽嘆十常八
九欲磨還缺但願長圓如此夜人情未必
看承別把酒離恨總成歡歸時說一

中秋

美景良辰算只是可人風月况素節揚輝

長是十分清徹著意登樓瞻玉兔何人張
幙遮銀闕倩蜚廉得得為歡開憑誰說
弦與望沒負缺今與昨何區別羨夜來手
把桂花堪折安得便登天柱上後客陪伴
酬佳節更如今不聽麝談清愁如髮

又

點火櫻桃照一架荼縻如雪春正好見龍
孫穿破紫苔蒼壁乳燕引鶻飛力弱流鶯
嚙友嬌聲怯問春歸不肯帶愁歸腸千結

三
曾樓望春山疊家何在煙波隔把古今
遺恨向他誰說蝴蝶不傳千里夢子規叫
斷三更月曉聲聲枕上勸人歸歸難得

暮春

可恨東君把春去春來無迹便過眼等閑
輸了三分之一晝永暖翻紅杏雨風暗扶
起垂楊力更天涯芳草最關情烘殘日
湘浦岸南塘暉恨不盡愁如織暮年年暮
負對他寒食便恁歸來能幾許風流早已

非疇昔凭畫欄一線數飛鴻
沉空碧

又

家住江南又過了清明寒食
花徑裏一番風雨一番狼籍
紅粉暗隨流水去園林漸
覺清陰客算年年落盡
拆桐花寒無力

庭院靜空相憶無說處
閑愁極怕流鶯乳
燕得知消息尺素如今何處也
絲雲依舊無蹤跡
謾教人羞去上層樓
平蕪碧

贛州席上呈太守陳季陵侍郎

落日蒼茫風繞定片帆無力還記得眉來
眼去水光山色倦客不知身遠近佳人已
卜歸消息便歸來只是賊行雲裏王客
些箇事如何濟知有恨休重憶但楚天時
地暮雲凝碧過眼不如人意事十常八九
今頭白笑江州司馬太多情青衫濕

賀王帥宣子平湖南寇

笳鼓歸來舉鞭問何如諸葛人道是匆匆
五月渡瀘深入白虎風生貔虎譟青溪路

斷韃毳泣早紅塵一騎落平岡捷書急
三萬卷龍頭客渾未得文章力把詩書馬
上笑驅鋒鏑金印明年如斗大貂蟬却自
兜鍪出待刻公勲業到雲霄浯溪石

又

漢水東流都洗盡髡胡膏血人盡說君家
飛將舊時英烈破敵金城雷過耳談兵玉
帳冰生類想王郎結髮賦從戎傳遺業
腰間劒聊彈缺尊中酒堪為別況故人新

三
推漢壇旌節馬革裹屍當自誓蛾眉伐性
休重說但從今記取楚樓風裴臺月

江行簡楊濟翁周顯先

過眼溪山怪都似舊時曾識還記得夢中
行遍江南江北佳處徑須携杖去能消幾
緬平生後笑塵勞三十九年非長為客
吳楚地東南拆英雄事曹劉敵被西風吹
盡了無塵跡樓觀總成人已去旌旗未卷
頭先白嘆人間哀樂轉相尋今猶昔

又

敲碎離愁紗牕外風搖翠竹人去後吹簫
聲斷倚樓人獨滿眼不堪三月暮舉頭已
覺千山綠但試把一紙寄來書逆頭讀

相思字空盈幅相思意何時足滴羅襟點
點淚珠盈掬芳草不迷行客路垂楊只碍
離人目最苦是立盡月黃昏攔干曲

又

倦客新豐貂裘敝征塵滿目彈短鋏青蛇

三尺浩歌誰續不念英雄江左老用之可
以尊中國嘆詩書萬卷致君人翻沉陸
休感慨澆醺醪人易老歎難乏有玉人憐
我為簪黃菊且置請纓封萬戶竟須賣劍
酬黃犢甚當年寂莫賈長沙傷時哭

又

風捲庭梧黃葉墜新涼如洗一笑折秋英
同賞弄香按藥天遠難窮休久望樓高欲
下還重倚拚一襟寂寞淚彈秋無人會

今古恨沉荒壘悲歡事隨流水想登樓青
鬢未堪憔悴極目煙橫山數點孤舟月淡
人千里對婵娟送此話離愁金樽裏

冷泉亭

直節堂堂看夾道冠纓拱立漸翠谷群仙
東下佩環聲急誰信天峰飛墜地傍湖千
丈開青壁是當年玉斧削方壺無人識
山木潤琅玕濕秋露下瓊珠滴向危亭橫
跨玉淵澄碧醉舞且搖鳶鳳影浩歌莫遣

魚龍泣恨此中風物本吾家今為客

再用前韻

照影溪梅悵絕代佳人獨立便小駐雍容
千騎羽觴飛急琴裏新聲風響佩筆端醉
墨鴉棲壁是史君文度舊知名今方識

高欲臥雲還濕清可漱泉長滴快晚風吹
帽滿懷空碧寶馬嘶歸紅旆動龍團試水
銅瓶泣怕他年重到路應迷桃源客

席間和洪景廬舍人秉司馬漢章

大監

天與文章看萬斛龍文筆力間道是一詩
曾換千金顏色欲說又休新意思強啼偷
笑真消息算人人合與共乘鸞鑾坡客
傾國艷難再得還可恨還堪憶看書尋舊
錦衣裁新碧鶯蝶一春花裏活可堪風雨
飄紅白問誰家却有燕歸梁香泥濕

送湯朝美司諫自便歸金壇

瘴雨蠻煙十年夢樽前休說春正好故園

桃李待君花發兒女燈前和淚拜難豚社
裏歸時節看依然舌在齒牙牢心如鐵
活國手封侯骨騰汗漫排闥闔待十分做
了詩書勲業當日念君歸去好而今却恨
中年別笑江頭明月更多情今宵缺

送李正之提刑入蜀

蜀道登天一杯送繡衣行客還自嘆中年
多病不堪離別東北看驚諸葛表西南更
草相如檄把功名收拾付君侯如椽筆

兒女淚君休滴荆楚路吾能說要新準備
廬山山色赤壁磯頭千古浪銅鞮陌上三
更月正梅花萬里雪深時須相憶

送信守鄭舜舉被

湖海平生筭不負蒼髯如戟聞道是君
王著意太平長策此老自當兵十萬長安
正在天西北便鳳凰飛詔下天來催歸急
車馬路兒童泣風雨暗旌旗濕看野梅
官柳東風消息莫向蕨庵追語笑只今松

竹無顏色問人間誰管別離愁杯中物

和楊民瞻送祐之弟還侍浮梁

塵土西風便無限淒涼行色還記取明朝
應恨今宵輕別珠淚爭垂華燭暗鴈行欲
斷哀箏切看扁舟幸自蒞清溪休催發
白石路長亭側千樹柳千絲結怕行人西
去棹歌聲闕黃卷莫教詩酒污玉階不信
仙凡隔但從今伴我又隨君佳哉月

游南巖和范先之韻

笑拍洪崖問千丈翠巖誰削依舊是西風
白鳥北村南郭似整復斜僧屋亂欲吞還
吐林煙薄覺人間萬事到秋來都搖落
呼斗酒同君酌更小隱尋幽約且丁寧休
負北山猿鶴有鹿沒渠求鹿夢非魚定未
知魚樂正仰看飛鳥却應人回頭錯

和范先之雪

天上飛瓊畢竟向人間情薄還又跨玉龍
歸去萬花搖落雲破林梢添遠岫月明屋

角分層閣記少年駿馬走韓盧掀東郭
吟凍鴈嘲飢鵲人已老歡猶昨對瓊瑤滿
地典君酬酢最愛霏霏迷遠近却收擾擾
還空闊待羔兒酒罷又烹茶楊州鶴

病中俞山甫教授訪別病起寄之
曲几團蒲記方丈君來問疾更夜雨匆匆
別去一杯南北萬事莫侵閑鬢髮百年正
要佳眠食最難忘此語重殷勤千金直
西崦路東巖石携麝今塵迹還逢重來猶有

舊盟如日莫信蓬萊風浪隔垂天自有扶
搖力對梅花一夜苦相思魚消息

餞鄭衡州厚卿席上再賦

莫折荼蘼且畱取一分春色還記得青梅
如豆共伊同摘少日對花渾醉夢而今醒
眼看風月恨牡丹笑我倚東風頭如雪

榆莢陣菖蒲葉時節換繁華歌筭怎禁風
雨怎禁鶉鴉走冉冉兮花共柳是栖栖者
蜂和蝶也不因春去有閑愁因離別

送徐行仲撫幹

絕代佳人曾一笑傾城傾國休更嘆舊時
青鏡而今華髮明日伏波堂上客老當益
壯翁應說恨苦遭鄧禹笑人來長寂寂
詩酒社江山筆如菊逗雲煙後怕一觴一
詠風流絕我夢橫江孤鶴去覺來却與
君相別記功名萬里要吾身佳眠食

又

紫陌飛塵望十里雕鞍綉轂春未老已驚

臺榭瘦紅肥綠睡雨海棠猶倚醉舞風楊
柳難成曲問流鶯能說故園無曾相熟
巖泉上飛鳥浴巢林下棲禽宿恨茶蘼開
晚謾翻船玉蓮社豈堪談昨夢蘭亭何處
尋遺墨但羈懷空自倚秋千無心跳

盧國華由閩憲移漕建安陳端仁
給事同諸公餞別余為酒困卧青
涂堂上三鼓方醒國華賦詞留別
席上和韻青涂端仁堂名也

宿酒醒時等只有清愁而已人正在青塗
堂上月華如洗紙帳梅花歸夢覺尊羹鱸
膾秋風起向人生得意幾何時吾歸矣
君若問相思事料長在秋聲裏這情懷只
是中年如此明月何妨千里隔顧君與我
如何耳向樽前重約幾時來江山美

和盧國華

漢節東南看駟馬光華周道須信是七閩
還有福星來到庭草自生心意足榕陰不

動秋光好問不知何處著君侯蓬萊島
還自笑人今老空有恨縈懷抱記江湖十
載厭持旌纛渡落我材無所用易除強類
無根潦但欲搜好語謝新詞羞瓊報

山居即事

幾箇輕鷗來點破一泓澄綠更何處一雙
鷗鷖故來爭浴細讀離騷還痛飲飽看脩
竹何妨肉有飛泉日日供明珠五千斛
春雨滿秧新穀閑日永眠黃犢看雲運麥

隴雪堆蠶簇若要足時今足矣以為未足
何時足被野老相扶入東園枇杷熟

和傅巖叟香月韻

半山佳句最好是吹香隔屋又還怪冰霜
側畔蜂兒成簇更把香來薰了月却教影
去斜侵竹似神清骨冷住西湖何由俗
根老大穿坤軸枝大嫋蟠龍斜快酒兵長
俊詩壇高築一再人來風味惡兩三杯後
花綠熟記五更聯句失彌明龍嘶燭

壽趙茂嘉郎中前章記兼濟倉事

我對君侯怪長見兩眉陰德還夢見玉皇
金闕姓名仙籍舊歲炊煙渾欲斷被公扶
起千人活算胷中除却五車書都無物
山左右溪南北花遠近雲朝夕看風流杖
屨蒼髯如戟種柳已成陶令宅散花更滿
維摩室勸人間且住五千年如金石

呈趙晉呂敷文

老子平生元自有金盤華屋還又要萬間

寒士眼前突兀一舸歸來輕似葉兩翁相
對清如鵲道如今吾亦愛吾廬多松菊
人道是荒年穀還又似豐年玉甚等閑却
爲鱸魚歸速野鶴溪邊留杖屨行人牆外
聽絲竹問近來風月幾篇詩三千軸

游清風峽和趙晉臣數文韻

兩峽蘄巖問誰占清風舊築更滿眼雲來
鳥去澗紅山綠世上無人供笑傲門前有
客休迎肅怕淒涼無物伴君時多栽竹

風采妙凝冰玉詩句好餘膏馥嘆只今人
物一變應是人似秋鴻無定住事如飛彈
須圓熟笑君侯陪酒又陪歌陽春曲

木蘭花

席上送張仲固帥興元

漢中開漢業問此地是耶非想劔指三秦
君王得意一戰東歸追亡事今不見但山
川滿目淚霑衣落日胡塵未斷西風塞馬
空肥一篇書是帝王師小試去征西更

草離筵匆匆去路愁滿旌旗君思我迴首
處正江涵秋影鴈初飛安得車輪四角不
堪帶減腰圍

滁州送范倅

老來情味減對別酒怯流年況屈指中秋
十分好月不照人圓無情水都不管共西
風只管送歸船秋晚蓴鱸江上夜深兒女
燈前征衫便好去朝天玉殿正思賢想
夜半承明留教視草却遣簫邊長安故人

問我道愁腸瑞酒只依然目斷秋霄落鴈
醉來時響空弦

題上饒郡圃翠微樓

舊時樓上客愛把酒對南山
笑白髮如今天教放浪來往其間
登樓更誰念我却迴頭西北望
曾欄雲雨珠簾盡棟笮歎霧鬢
風鬟
近來堪入畫圖看父老頽公
懽甚拄笏悠然朝來爽氣正爾
相關難忘使君後日便一花一
草報平安與客攜壺且醉

言
鴈飛秋影江寒

寄題吳克明廣文菊隱

路傍人怪問此隱者姓陶不甚黃菊如雲
朝吟暮醉喚不回頭縱無酒成長望只東
籬搔首亦風流與客朝餐一笑落英飽便
歸休 古來堯舜有巢由江海去悠悠待
說與佳人種成香草莫怨靈情我無可無
不可意先生出處有如丘聞道問津人過
殺雞為黍相留

中秋飲酒將旦客謂前人詩詞有
賦待月無送月者因用天問體賦
可憐今夕月向何處去悠悠是別有人間
那邊纔見光影東頭是天外空汗漫但長
風浩浩送中秋飛鏡無根誰繫姮娥不嫁
誰留 謂經海底向無由恍惚使人愁怕
萬里長鯨從橫觸破玉殿瓊樓蝦蟇故堪
浴水問云何玉兔解沉浮若道都齊無恙
云何漸漸如鉤

稼軒長短句卷之四